



黔南學政紀目

初到任申飭學政

門牌

飭勵士風示

風勵實學示

考日規條示

臨場大收牌行貴陽府

大收臨發案示

刊行表式

酌叅前道所取省會六學案示

嚴禁妄攻冒籍詳文

黃平湄潭開科詳文

查點悖橫劣生牌

添設搜檢精兵密防鼓譟示

逞蠻吞謀急救生命事案行

顛命抄家事批駁

照例增廩案行

手書咨訪管武解元

黔游貼句

辛酉科武試錄

序

策一問

策二問

帝王之道出於萬全論

黔南學政

初到任申飭學政事



學使者劉錫玄玉受父撰  
弟錫名虛受父標

照得吾儒誦法孔子。子以四教。文行忠信。此徹上徹下之至教也。而舍文行外。復從何處覓忠信。不忠信。則又安所稱文行乎。本道謬長多士。奉有欽頒教條。不敢另贅一詞。而一段愚忠。不能自己。不

得。不。借。孔。氏。之。成。言。懸。諸。生。之。正。的。止。就。四。教。中。文。行。二。則。所。得。與。官。長。師。生。顯。相。規。正。者。謾。為。卮。言。如。左。而。忠。信。二。字。則。就。此。中。密。證。之。耳。除。出。示。外。另。刻。書。冊。官。長。師。生。人。給。一。冊。期。與。本。道。各。以。身。體。毋。托。空。言。至。望。須。至。冊。者。

計開

一程行

從。來。貴。竹。以。僻。遠。孫。中。原。而。真。才。異。才。未。嘗。不。崛。起。

而。凌。軼。中。原。夫。異。才。則。間。氣。偶。鍾。所。難。必。之。天。授。而。真。才。由。學。問。砥。礪。人。人。可。自。樹。立。豈。容。以。僻。遠。自。局。况。中。原。聞。見。雖。廣。誘。染。亦。多。黔。士。若。果。能。以。僻。遠。自。安。則。益。自。有。真。意。可。尋。蓋。彼。人。文。之。鉅。麗。者。其。伎。倆。必。多。雄。逞。服。食。必。過。奢。豪。往。往。或。干。造。物。之。忌。而。以。華。國。經。國。者。終。乃。及。於。誤。國。若。黔。士。之。耳。目。遠。不。能。越。川。廣。而。黔。中。之。衣。食。近。受。窘。於。苗。仲。孟。夫。子。所。謂。苦。心。勞。骨。餓。體。之。身。黔。士。人。人。

有之。宜人人為天所大任矣。顧在人自立與不自立。何如耳。嘗見王陽明先生。在中原亦稱希有。而其學問。寔得力於龍場。爾黔風氣。尚足成就彼中原之大賢。而反甘自孫於十室之忠信。則士寔負黔黔不負士也。即本道亦生長豪華。而士子入黔。有自矢二語云。鍊筋骨於駢剛之礪礪。而消意氣於蠶螫之蠻烟。若預為今日立案矣。昨歲盡得邸報。初為老親。未免咨且出處。及老親以大義相責。

便不覺掀眉礪齒。思於舊游雄鎮。重作一番抖擻。尚自恐識闇氣浮。所自砥礪於黔中者。正不足酬其所饗。享於黔中也。惟是一腔婆氣。滿口絮詞。有不能自己其區區者。則不敢以中原律黔士。而就黔論。有君臣乎。有父子乎。有夫婦昆弟朋友乎。有元來不雕不琢之本心乎。此亦少孫中原否乎。且中原所或失之。雄逞奢豪者。爾黔人士。正宜得之。動心忍性。但能自認真心。則此未鑿之耳目。一受

陶鎔自妙有神奇變化。且此艱難之衣食百經堅  
忍。豈復至沉湎世趨。蓋此真心者。濃淡一如。人我  
一如。乃至利害生死。一如。我能轉境緣。而不為境  
緣所轉者。是也。欲自認取。只在此君臣父子之五  
倫。及日用之着衣喫飯間耳。諸士即未出身事主。  
而上承官師。下撫眷屬。步步須作他年遠大想。勿  
營小利而溷公庭。勿偏喜怒而乖家範。是即諸士  
今日令共之實際已。至父子夫婦昆弟朋友。則與

生俱生。人禽攸判。一倫有玷。便屬喪心。試思五倫  
孰為人倫。無倫則非人矣。學堂號為明倫。不明則  
學可廢矣。諸士於公庭有下犯上。卑凌尊。家里有  
子不孝。父不慈。闖牆發笞。朋比習非。傲不率教者。  
提調官及教官。不即開報。本道別有風聞。教官即  
以不職論。此本道所得明操功令。以維士行者也。  
而就中有一段能轉境而不為境轉者。則脉脉此  
心。豈復功令可及哉。夫士不修行而欲談心。無此

心學矣。若斤斤飾行。而不就此倫物間。密認真心。則雖有異才。亦終與雄逞奢豪者。同其滯越耳。談心之妙。無如陽明先生傳習一錄。諸士宜人奉一帙。時置案頭。從困心衡慮中。細咀其妙理。而實驗之。著衣喫飯間。必有真學問。以成就其真文章。真事業。而我

國家始獲真才之用。中原且三舍避之。本道日拭目望之矣。

## 二 衡文

本道生長江南。而資才寔不越中人。為諸生十三年。求一廩食不可得。而偶得之。兩鬮則拙。勤之効也。本道自十二歲為文章。即讀書徹夜。十八尚未得為青衿。益苦讀。至嘔血骨立。老父盡收其帖。刮令就醫藥。乃私置子史。用大豁其曾懷。生死全置度外。日覽秦漢莊騷等書。乃至禪玄二藏。手錄至千餘紙。而病除。而後得為弟子員。遂屏迹窮山。以



晨昏二時。閉目枯坐。覺胃中空。洞了無一塵。不復如童時之躁急。而研詠經書。未嘗一刻去手。日作一文。數日必一搆七義。此下根。駕步無足為諸士道。然何敢舍此實歷之境。而駕虛談以廷諸士乎。本道在西江。在國學。與多士談文。必先釐正文體。今爾黔士。則不患文體之不正。而患文心之不遠。文課之不密。文筆之不酣耳。何謂筆酣。孔子曰。辭達而已矣。達者。自無之有。自塞之通。自近之遠之。

謂也。夫皜皜一箋。而能使五色燦爛。渾渾一題。而能使八面玲瓏。夫是之謂墨飽。墨酣。而後可以望自己之心靈。動主司之青眼。此亦天下之至難也。而謂可淺嘗浮獵。漫徼一倖乎。自非絕才異質。入目便了。唾手輒辦者。恐即不必如本道之拙動。而經書自是本等。子史所必借資。晨起至午。一文何難脫稿。一日七篇。每月何難一次。語云。巧生於熟。又云。巧者不過習者之門。有能密課如斯。而筆墨

不酣飽。不得與中原爭勝者。此必無之理也。夫文章一途。小用之可致身青雲。大用之直撐持宇宙。人豈不知其至美至貴。而率不肯以百倍之勤。操必得之契者。其識不超。而神不遠也。夫天下百伎皆屬粗塵。而獨文章之理。與性命通。古豪傑之以文命世者。謂之人天眼目。即未論將來所就。而就此披對聖賢。鐵鉢肺腑。挾山川之秀。扶造化之藏。不亦擅人間之勝場。而游塵外之壺樂乎。此等神

識。若未可緊責之舉子。而前輩談舉業者。乃必曰多讀書。厚養氣。夫讀書曰多。必非僅僅本經四書。時文墨卷。養氣曰厚。則又豈與憧憧得失。營營溫飽者。同其齷齪乎哉。黔中書籍。遠莫多致。而眼前一二子史。可借可抄。善讀書者。得古人一字一句。用之不盡。但能時時涵詠。密密印證。則即少為多。豈在炫博乎。制義雖期命中。而瓦注巧。金注昏。溪山之寶。無意於寶者。往往得之。但能拿捏題旨。自

運機杼。根理要而攄新得。一段膽決筆橫景色。袁  
了凡先生所云千萬人場中。亦當刮目者。豈非博  
以氣勝乎。又了凡先生有靜坐要訣行世。云夫只  
在不起一念。明道先生亦只教人閉目靜坐。靜中  
之妙。久習自見。不可思議。此厚養氣之盡則也。文  
章其剽技耳。夫遇合正自有時。素位無不自得。誠  
能以道入之心。為文入之心。而以如是深遠之文  
心。運綿密之文課。展暢酣之文筆。從來以文命世

者。曷以尚茲。夫止衡文筆。似可襲取。而根器一定。  
反有所不得而強。至實求之文課。精出之文心。其  
功漸細。而課則人人可自程。心則人人所自有。何  
分乎上智中才。何分乎中原僻壤。此本道所實試  
之。以下根。驚步。而出以印諸生。諸生果能孫心。此  
道。必有得之。驪黃牝牡外者。又終不憂遇合也。至  
試牘之平奇濃淡。一任諸生才情所至。本道必不  
張一目之羅。往如壬子所得。田僉憲之沉雄。陳增

城之古潔。及後四卷之機鋒各出。可見本道無成  
心之一班矣。毋反以迎合失之也。黔中時刻雖少。  
而自房稿墨卷外。原不應襍覽。有房稿。有墨卷。有  
餘師矣。但止應專看新科。或叅前一科。而三科以  
上。面目便改。既稱時文。則朝華夕秀。爭不容瞬。慎  
之慎之。本道午未有刻。今成臭腐矣。有採用。及用  
壬子本房墨卷者。決不置一二等。

門牌

照得本道門首。例有掛牌四扇。止屬通行舊套。而就  
此舊套中。本道實有一段真切至意。不覺情見乎辭。  
特刊書冊。與文行二示。并給官長師生。須至冊者  
計開

一本道初令三河。閱歲而自圖徙倚。正以強項之素。  
難適時趨寧。失華臚。不甘脂膏。中外頗悉其概矣。  
今叨秉鑑。益切拘株。若借子衿。以承唯諾。則五斗  
可捐。寸管終不可奪也。仰把門負役。拜帖書帖。一

縣謝辭。違者責革不貸。如有諸生姓名不從門入。別有徑來。即將本生先革衣巾。仍行提究。願毋以六尺試三尺也。

一本道兩目雖拙。寸慮頗周。晝披試牘。夜判文移。一親裁獨斷。決無旁寄生奸。衡文不查名望。斷訟不問吏書。與其信耳而得之。寧信心而失之耳。二槩士民。儻有營求打點。徼幸萬一者。查出重情。自儘法論。輕犯亦引重律。刑故無小。毋謂不教而虐。

也。

一本道于諸生分雖甚尊。而

朝廷專設此官。止為興賢育才。叨此官而神鬼呼吸。有一息與子衿不屬。則本道負諸生也。本道雖不文不德。而肅括提身。熱腸與物。居鄉居官。夙有微尚。忽自冷曹。叨茲重任。俯仰興懷。有一段神魂呼吸。與諸生相親相砥。共矢為真人品。真學問。以求不負此官。不負諸生。諸生所不神魂呼吸。如對本

道以自成人品學問。則諸生負本道也。至於府縣提調官情雖甚親。而出入營求。必非賢有司所願見於賢子弟也。惟望諸生勿貌尊本道。而實以道義相親。勿親狎有司。而止以禮法尊事。此亦今日矯偏毓德之警語也。除本道嚴行門簿法。責成賢有司。率勵諸生外。如有果負冤抑。及軍民人等為諸生所冤抑者。在省則於初二十六日出巡。則於下馬次日。放告。放告雖有定期。儻得訟牒。日寡。以

至於無。即諸生與本道真兩無負矣。

一本道雖為蘓人。從無蘓意。服飾不喜鮮華。雞鴨絕不入口。非有矯假。寔揣薄德。不堪厚奉耳。至于市野小民。憐如親子。若奪小民之不足。以奉一身之有餘。則寧自剜其肌肉耳。每日止用腐菘。間用魚肉。發銀平買。決不騷累舖行。如偶用一二器物。必密付銀於誠實衙役。自行私買。決不使知為本道所買。但有稱本道買物者。即係假托。許各小民隨

路聲稟如有攔阻者與假托強買者同罪  
為飭勵士風事

照得本道於諸生遠迎遠送一日奔馳尚爾惻然亟  
行禁止豈其姑息市恩蓋師生出郭迎送例有明禁  
本道復舊制以恤士子誠如昨面諭平溪等學所謂  
愛之以禮正欲責之以義也諸生若不遵守  
卧碑仍有出入衙門起滅詞訟等惡習則士不以禮  
自愛本道不得不以法愛士矣合行先申門簿之法

為此牌仰府廳衛縣掌印官此牌到日即設循環門  
簿二扇每日着一的當人役於大門首候諸生有進  
見者即明註某日某生員為某事進見不論其事之  
行與不行一緊登記每月終循環送查仍註某日某  
役掌簿即本日無一生進見亦註管簿役名并寫生  
員進見無五字如有失記及混開無字提該吏重寃  
至本道出巡師生各遵原行於城門內迎送如仍出  
門定提吏寃決不再寬又照本道自吳楚遠來中途

有生負八名陸續彙錄以姓名呈本道此鑽刺惡習  
即欲行革衣巾姑以未經申飭另候定奪此後如再  
有一姓名從薦牘入者先革衣巾仍行提寃本道硃  
硃之素決不敢以文衡充人事也除各該府廳衛州  
縣遵行門簿外仍行學備行出示通知須至牌者

### 風勵實學示

照得取士雖以明經而後場乃真實學若必欲三場  
精通即中原未易數數然在叨掌文衡者能無厚望

多士除通鑑性理候場後刻期以課諸生外今類考  
生童經書題外論表策各一題題必顯易若本日全  
完而佳者特拔旌勸不必言如不能全完許於三題  
內科一道倘能成文亦從寬看若生負試卷有論表  
策不完完而未盡所長者許其續構限三日內送該  
學彙送該府廳候發過該學考案後即日解道查閱  
若果真才實學者即顯取無名本道亦改容而物色  
之另有面試以為場前遺才場後歲考參閱之地其



本道所取五名內生員三名內童生限案到三日內  
速補完論表策并經書原文錄為一卷送學學送該  
府廳解道過三日不補者除名不准取至于遺才一  
試論表策不完者決不取此本道真切勸學之苦心  
也諸生其有以副我

考日規條示

今將考試規條開列于後各宜遵奉毋得違犯取究  
計開

一考日交五更一點二門內裏班門子發頭柳大門  
外放一炮掌號催生童起五更二點門子發二柳  
大門外放第二炮掌號催各負後生童齊集交五  
更三點門子發三柳二門外放第三砲掌號本道  
開門提調官照常點名放生童挨牌魚貫而進有  
到遲者但未封門仍補搜檢領卷各生不必挨擠  
違者重究不准考

一搜檢負後每一牌生童點名分付仔細搜檢高聲

齊應。上下細搜。如有容隱。踈漏。復查出片紙隻字。跟究搜檢。負役必誣。職問擬決。不輕恕。搜檢一牌完。高聲稟報。搜檢無弊。齊聲吶喊一聲。每一牌進。止先後各聲應一次。不許虛張聲應。而反踈于查弊。自取冤擬。

一。生童除懷挾傳遞大犯。點擬外。其作文時。瞻望四後。須細看各生童。有轉頭良久。注視旁卓者。此有意竊抄者也。擊鑼一下。稟報某字號生童轉頭。本

生即持卷自出號。跪下。責二十板。扶出。生童有吟哦者。如前稟報。責十板。印卷面。仍許完卷。自轉頭吟哦外。不許瞻望多事。以挽生童文思。

一。生童子本道前聽親掣籤。照籤認坐。坐畢後。本道仍親赴號內。掣查。如坐號不合籤號。責二十板。扶出。不准考。

一。按臨處所。預設板檯一條。濶一尺二寸。長六尺。面刻朴作教刑四大字。檯用黑漆。字用紅漆。試日送

場內試畢發各學收貯。生負犯法。即按地責。童生犯規。亦用撻責。至於民犯用刑。一槩不許打腿筋。亦不許併打一處。其板子照常用竹節。不許用竹根。致傷民命。如軍皂因得錢不得錢。故作輕重。先打四十板。仍以贓論。

一考日場內負後多一人。即滋一弊。每點名完。將封門時。本道方酌用寫題吏二名。文官一員。收卷武官一員。供奔走。瞭望軍八名。分上下班。下班者另

鎖一房。餘外不用一人。各生毋妄希打點。自入罪戾。

一考日生童完卷後。收卷官即掣浮票。封貯提調官處。候拆號查對。一槩未發落。生童姓名一字不得留本道。以杜鑽刺之門。

一生童號簿存提調官處。未發案時。不許預送。違者提吏重究。

一生員卷面止寫生字。不許分廩增附青社等字。後

款另有特行因關  
係尤重再為出示

### 臨場大收牌行貴陽府

照得臨場大收雖各省時有之。然可以羅異才。不可  
以啓倖竇。本道閱過正遺各卷。全篇疵繆。而字句稍  
通。無不寬收矣。至五六等卷。每學尚有數卷未發。若  
復因瀆濫收。則啓人躁進。反非所以愛諸生也。但  
憐才一念。終不得不撥忙採錄。為此牌仰貴陽府。遵  
照。凡告考生員。備卷投交該府。俱逐一查收。用印限

三十日午時。該府預具投過姓名呈送。通于八月初  
一日赴道考試。如有仍前孟浪干進者。五六等。必倍  
於取數。及不取數。毋自取悔。須至牌者

### 大收臨發案示

諭貴陽等六學大收諸生知悉。本道憐才一念。實切  
魂夢。至省下諸學。朝夕相臨。豈不倍欲加厚。無柰諸  
學因近便。每科加額無已。如貴陽通學生員二百六  
十餘名。而正遺科舉已取至一百二十八名。餘五學

大率如此。昨大收一考，仍欲曲意放寬，兩眼怒取多取，而各卷紕繆太甚，萬不能瞞心塗眼，以市德于諸生。萬不得已，僅取一二應試，而不通之奇怪者，不得不一一示創。然每學尚有多卷，不忍發。此原與諸生再三筆論而論，無奈諸生聽之藐藐。今案已發，該府拆示，知我罪我，惟諸生若因此而警策埋頭安命，造命翻然一新，庶本道一段玉成，愚悃不至相負耳。須至示者。

刊行表式

黔中士子表多失拈。表之有拈，猶詩之有韻也。走韻不成詩，失拈可稱表乎？詩韻表拈，俱在每句末一字。然律詩八句，第三第五第七句尚不用韻，而表則無一句可失拈者。但止在一字之平仄，調之甚易。若無人為指點耳。本道巡考西四衛兩書一經外，仍出論表策各一題，許其內科一道，四衛童生中亦多應之者。諸生則有六篇全完，經書後場游刃有餘，風簷得

此中原所難誰謂貴竹乏才乎。業經特拔加賞以勵多士外。但他卷止作一表者。徃徃失粘。即壬子所見亦復爾爾。今本道特為細細指示。仍行刊刻成冊。應試諸生人給一冊。場後查硃卷。仍有失粘。必行降罰。須至冊者。

一表有四句為一聯者。有二句為一聯者。有疊用四句三四聯。方轉二句一聯。或二聯者。既用二句一聯。仍轉四句一聯。此人人所共知也。

一凡四句一聯者。如首句末字用平聲。則第二三句末字必仄。第四句末字必平。此體謂之平仄平。如首句末字用仄聲。則第二三句必平。第四句必仄。此體謂之仄平平。此四句一聯之定式也。諸生知此者。十之五六耳。

一凡二句一聯者。末字必一平一仄。或先仄後平。或先平後仄。如用先仄後平一聯。而次聯仍用二句。則必先平後仄。如用先平後仄一聯。而次聯仍用

二句則必先仄後平。此二句一聯之定式也。諸生  
知此者十之四五耳。

一凡四句一聯者如一聯用平仄仄平。

體已具  
第二條

而第

二第三四聯或仍用四句。則聯聯俱用平仄仄平。  
決不可錯。如欲轉仄平平仄。必須間以先平後仄。  
二句為一聯。方可接用四句仄平平仄。決不可錯。  
如又欲轉用平仄仄平。則又須用先仄後平二句  
為一聯。方可接用平仄仄平。決不可錯。如先用仄

平平仄。次轉平仄仄平。又轉仄平平仄。式與此同。  
此又四句一聯之細式也。諸生知此者百之一二  
耳。

須將程墨表一篇對此式合看自明。

一凡我朝題馮

皇帝陛下。唐宋止作四圈。直稱

主上。則頂擡頭稍遠一層。及

宮殿

太子等項俱次擡頭末後天聖賀謝等式俱須看原  
板試錄不可看坊間及人家寫刻本致有差誤。

酌叅前道所取省會六學案示

本道以八十日巡考通省正遺科舉及童生不得不  
于省會六學輒准前道所取優等與未取者同日覆  
考就此一日之考即取出正遺二案此在本道但省  
一考工夫而在諸生既同覆考則學問自有消長即  
令前道覆閱亦不容不與原案異同雖將取與不取  
者分兩樣題目及發案則不拘原取未取但文理優  
長者即摠入正科舉案然後將落卷從寬再看亦不



拘原取未取。摠合取出遺才一案。本道于萬分忙迫時。為此委曲裁鑒之計。而在正取諸生既另出一題。則本道已另眼相看。在未取者。仍得拔入正科舉。則前日之擾稟。不亦贅乎。至于本道憐才之心。與執法之念。無偏輕重。諸生想已共悉之矣。諸生交卷時。不論正取及遺才。一一揭去浮票。教官送府收貯。候發卷拆號。方查對。且廩增附等字樣。槩不許填寫卷面。即欲私查一人。何處着手。不得不反向郡縣討關節。

萬不能帶此面皮也。如仍有營求囑托者。不惟不聽。法寃毋悔。

### 嚴禁妄攻冒籍詳文

該本道看得黔本荒陬。夷多漢少。乃群聚而成郡邑。要之土著實乃夷苗。此外孰非外來。所謂冒籍者。偶爾援附。賦役不辦于官。廬墓無憑于土。指之冒。真冒矣。若以版圖久附之籍。子孫相繼之人。當黔之賦徭。即黔之編氓。何得謂之冒籍。且題

准事例三十年以上不為冒籍。而况諸生歷祖父長子孫入學已經多年。歲試幾番。科舉屢次。何一旦紛更于今日乎。搃之黔士俗習相仍。輕於囂競。無一科不有紛爭。如一朱舉也。自祖入黔。來自嘉靖年。歷三世相繼七十餘載。廬墓田產的據甚明。經該前道提學張僉事于萬曆四十六年二月間。特行文四川璧山縣查覈本生原籍四川。從三世以前移入貴州。該縣印信回文及本道鍊案如山。諸生何得尚挾妬忌。

攻詰無已。至于呈內蔓引魏良輔等十七人。若有一人冒籍果真。本道何敢偏意憐才。不去此以杜諸生之競爭。但各生根深籍久。雖眾口鑠金。難于搖奪。朱臯與魏良輔等呈內有名各生。除考居一二等者俱應入試。其未取科舉者。照舊收學肄業。合行呈請為此具由呈詳。

察院蒙批 朱臯魏良輔等該道查勘明白。並無冒籍除另示外。取有科舉者俱准入試。如各學諸生有

臨場嚷鬧者即扶出送道重責除名該學教官連坐  
繳

黃平湄潭開科詳文

巡按貴州監察御史 批據本道天啟元年八月

初一日呈報黃平州自萬曆三十年建學為始起至  
天啟元年遵照

欽限二十五年正滿應與湄潭縣學一體開科緣由  
蒙批據生員宋喬等呈以萬曆二十九年為始至今

已足二十年之數開科適其時矣但查部覆題奉

欽限原萬曆三十年為始起貢須在十年之外應試  
須在二十年之外悉如撫院原議提學有司亦不得  
藉口憐才以新作舊致啓爭端遵行在卷若以

欽限計筭今方十九年即欲應試不在二十年之外  
反在二十年之內恐衆口紛紛爭端難禁該道再一  
查議妥確毋致臨場爭競繳蒙此該本道覆查看得  
黃平未設學之先科貢原附興隆諸生進取無異自

播平建學。一州三縣子弟附之。彼因草創之初。土著鮮少。招集新民。充實疆土。故議其子弟止許入學。不許入試。限定十年起貢。二十年開科。彼時該州縣諸生具呈。有逆首時反得一體應試。平播後。乃更禁錮多年等語。該提學道遵奉。欽限杜其鬻爭。查照部覆。自萬曆三十年為始。而二十九年辛亥已行起貢。原議兩年一貢。今已考准龍補袞等五人矣。從辛亥至今歲辛酉。正扣足二十年前道先行准取入試。及

本道案行考取遺才。又曾細酌。若執定二十年之外。則今年恰止二十年。于外字似未相應。彼時先應呈詳本院。及查萬曆二十九年。起貢亦恰止十年。所以張僉事竟行考取科舉。彼時各學諸生帖然攝服。則今日本道考取遺才。豈容再有呈瀆。合候考定。方行呈報。况二十年不為不久。若又泥一外字。原非部覆本意也。今蒙前因理合呈覆。伏乞上裁。惟復別有定奪等因。呈詳

察院蒙批 黃涓二學生員該道覆查 欽限已滿  
即准入試除另示外如各學諸生妄生異議違悖  
明旨臨場鬧嚷者即扶出發道重責黜退緘  
是科遂入彀一人非但理法不可紊即定數亦非  
可爭也。

查黜悖橫劣生牌

本道初入黔各當道即屢稱士習猖橫欲本道務從  
嚴飭然本道素性原在寬嚴間何忍一切從事及巡

歷已周方知猖橫無過省會而臨場攻詰一端尤屬  
狂惡積習夫冒籍自犯明禁倘果的確何難正法若  
如所攻朱臯已經前道張署道繆行府行州乃至遠  
行蜀中勘結親戚墳墓清楚的確有據本道蒞任又  
經批開案墨方新而諸生復以本生優取忌嫉不休  
遂蔑本道如烏有先生而越呈按院此非詰朱臯直  
詰本道耳縱令本道舉事偶錯亦待錯後兩院糾之  
銓部處之方與諸生不相管轄况本道所持甚正甚

確。而諸生敢以非禮非法。蔑本道至此。則朝廷可裁此官不設矣。合行嚴究。為此牌仰三學官吏照牌事理。即查具呈各學首名。劉延漢張鳳裔王錫朋張雲鵬劉應甲。係本道新取批首。是否敢作呈頭。如係惡生妄開。即著劉延漢等各生從實查確。倡首開口。敢稟按院。惡生姓名。一一呈報。方免劉延漢等寃罪。如越三日。報先將劉延漢等不許入場。仍即革去衣巾。責寃枷號。問擬決。不姑息。至于入場之

日。該學責令門役。分立貢院門外。東西二路。密查。再有倡誥惡生。但一開口者。即報姓名。以憑嚴拿。盡法點擬。如有容隱推托。該學教官。即行劣處。至黃平開科一事。本道所據歷案。尤確。諸生雖未具呈。而借援倡議。搃出忌才惡習。并仰一體跟寃姓名。開報施行。添設搜檢精兵。密防鼓噪。示

照得科場搜檢。最宜嚴密。內搜負役。按院已有嚴行。至于本道在外搜檢。關防猶為喫緊。本道巡考各學

業有成法。但聞省中搜檢之後，多與生儒通同懷挾，不得不創加嚴密。為此示仰應試生儒知悉：頭二三場，本道親于貢院大門前搜檢，除照往規應用負役外，另撥精兵一百名，細加搜檢。敢有挾帶片紙隻字者，搜出照例究遣，枷號各宜深思自愛，毋以進取美事，反至求榮得辱也。點試每科劣生鼓噪不可禁止，此示非為搜檢也。借此集兵百名，而示風省責以擒拿倡首鼓噪者，此示一出，士心咸為震服，省試得免鼓噪，希有之事也。

逞蠻吞謀急救生命事案行

看得倪胤麒等與黎以勤，原因錢債小忿，致啓角訟，深仇情罪俱相等也。惟罵官拒捕一節，先蒙按院批行本道，即將倪秉亨、倪胤麒、鳳併禘矣。但據批罵官寔云：「遙罵與面罵同，則不啻深文周内矣。縱使遙罵罵是真尚，與面罵有間，况謂之遙，可確據乎？且遙罵毆差之說，証之者皆衙役，互為幫証，以衙役護衙役，而遂因衙役禘青衿可乎？辨誣復學，本道寧甘曲護青衿之誚耳。至于黎以勤負債不還，倪應麒等為富

不仁。俱應伏徹。先經貴陽府理刑廳徑奉本院批詞。業經招詳追贖訖。事同一起。合照原招擬議轉詳。將黎以勤行府倪秉亨倪胤麒倪胤鳳各行學戒責肆業還役。緜

顛命抄家事批駁

安順府呈詳犯人張景詠招由。該本道批開。據招張景詠兄弟倚恃青衿。以戲言而挾人命。肆行搶掠。又抗不赴審。反行捏告。反坐何辭。但張景臬之死。非獨

為一時戲言。先年宰猪被究。意疑汪以盛謀害。即所疑未的。而孫劉非好識明矣。鄉官之呼。無端作有心之虐。謔府吏亦稍橫矣。景臬能甘之乎。據招景臬當時未答。回家追思。復出與以盛爭嚷。此時景臬意氣既憤懣不平。則以盛挾恃府吏報復橫行。其情狀居然可見。不然景臬縱有心疾。何至甘心自刎。本道細審景臬親隣潘三洪二。云從無心疾。指天畫地。云不敢說。然則心疾二字。以盛一人飾罪之詞。可謂欲





求十名且復有另議衛學之請可謂無厭之求令人  
轉思江陵之嚴政也既經該道詳定或可免題乎此  
繳奉此案照先據安順府議詳前由該本道看得廩  
增名額府州縣衛自有定制獨黔中錢糧難措以致  
體制異同至如安順府領三州六衛在黔亦稱大郡  
府學子衿三百有奇人文亦甲於他郡祇緣以州改  
府遂因陋就簡廩額仍等於州衛先據該府詳議加  
增十名于時俱應俯允本道因見糧膳不敷故止准

五石以俟徐議今諸生以缺典具懇憲臺蒙行查議  
查普安乃該府之屬學而加廩至二十五石若該府  
之廩額僅等於該州不惟缺典且屬非體今據議有  
徐推官買田租并鄉紳義民捐助田穀再增五名共  
足三十石每年廩糧膳銀尚有餘數錢糧無損于公  
家規制允全于學政相應俯從以廣化育至于另議  
衛學一節黔中府州縣與衛同城者強半有府學則  
軍衛子弟寄之有衛學而州縣子弟寄之此黔之定

制也。該學諸生欲另立一衛學，即貴陽、平越等府俱應比例設學矣。况時事多艱，譚何容易。此萬萬所難允行也。等因呈詳去後，奉批前因該本道查確黔中各學加廩事例向未題請，除面覆軍門外，再照邊方府庠二十石廩亦不為少，加至三十，太覺其濫。赫憲諭誠為嚴正，但邊方如黔僻遠苦寒，欲致一編一管，百倍艱難，欲使家絃戶誦，自應從優鼓舞。若謂文墨不如中原，則中原文墨既盛，通文墨者亦復易

易。此方文墨既少，則求通文墨，什伯其難，自不可以中原律之。本道奉有專勅，如廩既例不題請，所得徑行事理，擬合就行為此案。仰安順府官吏照案先令事理，即便轉行該學，將廩額准加五名，合前共三十名，永為遵守。諸生廩糧膳銀，將後開各宦義民捐助田穀開坐四至，勒石該學，每年徵收支給。其另建衛學一事，難以允行。母容再議。該府將原行具由呈報繳諸生，敢有再行瀆擾，查出重究。

錫玄臨入黔承前輩見教云近來增廩增科舉增  
進學徒費公帑且滋衿橫緊應禁止錫玄奉此教  
甚謹然如此一案不得不俯隨黔俗且例不  
題請得以徑行遂成一快事

手書咨訪管揮使名良相戊午武解元

本道憐才一念寔切夢寐昨試四衛生童得佳卷輒  
擊節不已然自學使常事耳至該衛以弁埒衿所試  
韜鈴家言鬱有異采有壯猷當此英雄用武之日得  
爾處囊脫穎之才尤喜出望外本道雖止司文墨而  
既在黔中黔中事體自應了了胸中但苦咨訪寔難  
得一該衛注望良切不禁婆心多所欲相商者此間  
最患苗仲而苗仲種族各有自來其習俗蠢動與夫

技擊長短畧有可言禦苗禦仲方畧何施從剽從撫  
隨宜異用兵哨自應多設多設若乏糧餉然則兵哨  
遂可不設乎餉難取之官帑自應資之耕種耕種可  
無方畧乎無米作炊方稱巧婦束手無策鬚眉謂何  
安奢二氏撫馭尤湏得宜二氏世裔亦畧敘所由來  
把目無賴何以劑之安位年止六歲似宜于此際為  
選輔導教以世篤忠貞此亦學使所不能忘情也但  
湏治以不治不宜無事討事試一酌對之凡上諸款

虛心相商幸一一詳答不妨雄逞萬言毋作書生制  
牘也至遼陽已陷善後何策另對一通以覘偉抱  
帖到十日內密切精構固封送新貴縣收貯本道七  
月初旬回省拭目以觀佇切佇切

丹崖碧水共結人天勝果桓綠白淨一心  
銅柱石梁永綿礪帶溪源直得朱蹏千箇

金雞驛

驛在水西未反時使節所臨皆水西為治車徒凡有九驛皆安賊地累也

丹鳳啣恩飛馳禹甸三千快徵王會

金雞送曉報道越裳九譯重捧堯天

太虛洞在石阡府

洞口巨石高二十餘丈橫亘倍之如一幅尺素  
勻潔無滓而高下離合復多竒致燔炳而入半

里許處處竒幻洞心一石如蒼龍倒掛尾著岩  
頭首乃橫斜而下長十餘丈不及地者尺許俗  
名倒垂蓮不足盡其竒也

玉斧劈開雲竇千縑組練漾層霄

金猊瓜破巖心十丈珊瑚垂片葉

省城諸葛武侯祠

三分炎鼎尚餘五嶺精英鬚髯馮依巖甲  
千載伏龍猶令百蠻震疊輝煌香火熬礪

